



Pou Piblikasyon Imedya: 06/09/2021

GOUVÈNÈ KATHY HOCHUL

GOUVÈNÈ HOCHUL ANONSE APWOBASYON FEDERAL POU DEKLARASYON KATASTWÒF MAJÈ APRE INONDASYON IDA

Deklarasyon an bay soulajman finansye federal pou gouvènman lokal yo ak Nouyòkè yo inondasyon an afekte epi bay asistans endividyèl ak piblik pou sila yo ka rekipere anba domaj siklòn Ida

Nouyòkè yo ki te deplase, sa gen ladan fanmi ki pa asire yo, ap elijib pou fon pou Èd Lojman ansanm ak konsèy nan sitiyasyon kriz, asistans pou chomaj, reparasyon kay ak sèvis jiridik

Gouvènè Kathy Hochul te anonse jodi a ke Prezidan Biden apwouve yon Deklarasyon akselere pou Katastwòf Majè ki pral ede bay soulajman finansye federal pou gouvènman lokal yo ak Nouyòkè yo epi bay asistans endividyèl ak piblik pou Nouyòkè ki elijib yo ka rekipere anba domaj inondasyon rès Siklòn Ida te lakòz.

Konte yo ke deklarasyon pou asistans endividyèl la kouvri gen ladan: Bronx, Queens, Kings, Richmond ak Westchester. Nan moman sa a, Konte New York enkli pou asistans piblik sèlman. Gouvènè a pral kontinye travay avèk FEMA ak patnè federal, eta ak lokal yo pou asire Nouyòkè yo jwenn soulajman anplis yo bezwen.

Nouyòkè yo ki te deplase, sa gen ladan fanmi ki pa asire yo, ap elijib pou fon pou Èd Lojman ansanm ak konsèy nan sitiyasyon kriz, asistans pou chomaj, reparasyon kay ak sèvis jiridik.

"Mwen te wè devastasyon Nouyòkè ki te pèdi anpil nan tanpèt sa a epi mwen pwomèt n ap fè tout sa ki nan pouvwa nou pou ede yo rekonstwi", **Gouvènè Hochul te deklare.** "Mwen remèsye Prezidan Biden ak Administratè FEMA a, Deanne Criswell, pou apwobasyon rapid yo pou yon Deklarasyon pou Katastwòf Majè, ki bay yon pwomès ke n ap rekonstwi pi byen ak pi solid. Lidè Majorite Schumer, Senatè Gilibrand ak tout delegasyon Kongrè New York la te bay èd vital ak sipò pou Eta nou an. Epi mwen remèsye yo pou efò san fatig yo. Mwen pa ka tann pou vizite zòn ki sibi katastwòf yo avèk Prezidan Biden demen epi mwen pral kontinye travay avèk FEMA ak manm Kongrè nou yo pou asire Nouyòkè yo jwenn soulajman yo bezwen anba enpak devastatè tanpèt tèrib sa a".

Yon Deklarasyon Katastwòf Majè ap deklanche asistans finansye ki soti kote gouvènman federal la k ap pèmèt kominote lokal ak chak grenn Nouyòkè kontinye rekiperasyon yo. Asistans lan gen ladan finansman pou mezi pwoteksyon ijans yo, ranmasaj debri, ak reparasyon nan enfrastrikti ak batiman piblik yo ansanm ak sipò dirèk pou moun yo ak mèt kay yo. Nouyòkè yo gendwa kapab resevwa fon tou pou lòt depans ak bezwen enpòtan pou moun ki pa asire oswa ki pa byen asire ke katastwòf la lakòz tankou reparasyon oswa ranplasman pwopriyete pèsònèl oswa fon pou deplase ak estoke oswa swen medikal, dantè ak gadri. Mèt kay yo ak lokatè yo ta dwe fè tout efò pou dokimante pèt yo.

Mèt kay ki kalifye yo pral travay dirèkteman avèk FEMA pou jwenn finansman. Asistans lan kapab gen ladan fon pou inite lojman tanporè, lojman ak reparasyon ale, konsèy nan sitiyaasyon kriz, asistans pou chomaj ak sèvis jiridik.

Divizyon Sekirite Enteryè ak Sèvis Ijans Eta New York la te deplwaye espesyalis pou evalye domaj pou aplike pou èd federal nan sitiyaasyon katastwòf. Eta a te rete an kontak regilye avèk FEMA ak patnè lokal yo atravè pwosesis sa a pou fè presyon pou yon revizyon akselere bò kote federal la yon fwa evalyasyon domaj preliminè yo fini.

Akòz efò sa yo, apèn nan premye jou evalyasyon yo, ekspè eta ak federal yo te estime tanpèt sa te lakòz plis pase 50 milyon dola domaj nan enfrastrikti ak pwopriyete piblik, pandan gen plis pase 1,200 rezidans ki te sibi domaj.

Finansman pou soutni restorasyon enfrastrikti piblik yo ap pase atravè Pwogram Asistans Piblik (Public Assistance Program) FEMA a ki ofri ranbousman pou gouvènman lokal yo apre Prezidan an fin deklare yon katastwòf pou aktivite tankou retire debri, mezi pwoteksyon nan ka ijans, reparasyon ak rekonstriksyon enfrastrikti piblik ki te andomaje tankou wout, lekòl pon, pak, lopital, pòs polis, kazèn ponpye, enstalasyon tretman dlo ak dlo ize ak lòt enstalasyon piblik.

Yè, Gouvènè Hochul [te anonse lansman nouvo sant resous sou entènèt](#) pou Nouyòkè ki afekte yo, disponib nan ny.gov/ida. Sant lan bay enfòmasyon sou pwogram asistans ki disponib yo ak kote pou jwenn sèvis tankouabri epi aksè ak manje. Yo pral mete enfòmasyon sou sit la ajou amezi gen plis resous pou Nouyòkè yo ki vin disponib. Anplis de sa, Eta a ap fè patenarya avèk Vil New York pou sipòte Sant Sèvis Rekiperasyon Ida yo. Sant sa yo te jwenn sipò responsab eli yo ki reprezante kominote ki afekte yo epi pral ofri enfòmasyon sou tout resous ak asistans ki disponib yo.

Gouvènè Hochul te repati 378 milyon dola tou nan finansman pou rediksyon danje ki te bay anvan ki soti nan FEMA ki konsakre pou ranfòse enfrastrikti Eta New York kont kondisyon meteyowolojik ekstrèm.

Gouvènè a ankouraje responsab lokal yo nan konte ki afekte yo pou kontinye travay ak Jesyonè Ijans Konte yo a pou soumèt bezwen resous dirèkteman nan NY Responds (NY Reponn), sistèm ki baze sou entènèt eta a ki pèmèt gouvènman lokal ak ajans eta yo soumèt epi pataje enfòmasyon vital ki gen rapò ak ijans ak demann pou resous.

###

Lôt nouvell disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)